

新修凡例

一、本次续修本，采用苏式编排，即从左至右，世系次第直陈，取九族之义。

二、在各卷分谱的前面，根据各支系的繁衍状况，刊载世系表，均从第一派（玉）开始，直至本次续修时所出生的世代。

三、续修的各卷分谱，一律从第二十派，即“家”字派往下依序排列。

四、续修本登录对象的生歿年月，采取公历与农历并存的方式。

五、为体现男女平等的原则，不论子或女，均予以登录，但如果女出嫁后，则只登录女，不登录婿。

六、如子女过继，则只登录在继父母名下，并注明继子或继女。

七、凡此次续修时不同意登录的，其名下注明“本人不愿意录入”字样。

曹氏族谱三修凡例

谱式原有欧苏二家之别苏之世系次第直陈取九族之义欧之世系次第横列取五世亲尽从祧之义光绪乙亥续修於前五代为苏式至二卷起为欧式一谱而前后式異似非所宜故特一律更为欧式以符体例而醒眉目焉

我族自玉溪公迁楚以来迄今数百载歷元明清而至民国共四朝代其间有生歿不同在一朝代中者非载明之不可故於生歿年月上概载明朝代较显豁而便稽考焉

我国旧用阴历今民国改颁阳历合世界之大同本应遵用然历时未久生歿在未改之先者难於溯及更改若阴阳历参用又不归一律难於醒豁故本谱所载年月仍概用阴历

无嗣立继有应继受继择继之例从无兼祧之理其旧有兼祧之名者尽古人一时迫于事势从权办理之法

也我族近来兼祧者不少揆之事理本应悔继然又迫於事成已久人数颇多若欲改悔 中困难不知凡几不得不权为从之故於本房载其名又於兼祧之房亦载其名均註明其关系不患复复俾毋紊宗绪焉但此不足为法昭垂后人幸毋效尤不可假名兼祧而罹重婚罪也

谱也有用回符号以代讳者因失其讳以阙肆也用回以代氏者因失其姓以关疑仍存其位毋忘祖也

无嗣者应择本宗之昭穆相当者继之例不得抚異姓承嗣以乱宗祧但族众人多其乞养义子或收养三岁以下遗弃小儿及私生子者亦有之是以对于此类裔嗣不得不严区别以杜異姓乱宗之弊故於有宗可归者限令归宗其无宗可归者暂遵照中华民国律草案第一千四百六十九条一千四百七十四六五七各条之规定办理许其姓曹将来歷详细载明录入宗谱日后酌给田产以示同仁之意仍不失严别真伪之旨焉

族中有忠孝节义贞烈豪侠之異行堪传者特发其潜德之幽光略载於谱以示尊崇而昭激动

夫妇因故宣告离婚妇无子改改适者不录蓋义绝也若有子则仍录入以重所出并载生庚以备子知但不书殁葬与廟绝也若为夫出大归后而终身不再嫁者仍得录入以重父母完娶之心而取其义尚未与夫绝也

本谱原遵欧式系满五代另提立卷至二十一派本应另编立卷兹以人数少权附各本卷之末特此申请以免混淆

凡旧例所有者概循旧例兹不教及

四修凡例

谱式原有欧苏二家苏之世系次第直陈取九族之义欧之世系次第横列取五世亲尽从祧之义前家谱本欧式亦属合体但近年各大家之谱皆系欧苏兼用即考我姓长益两县及架城之谱前数代历系苏式故今之续修亦变例将前数代作苏式至二卷大光公起则变通欧式五世一提次第不紊亦欧苏合体也

凡父子相承皆书名者欲使世派了然易见且以列祖临之亦廟中不讳之例也夫妻平列结发书配续弦书继配三配重敵体也行外接书生子几名某较显明也註女几与子几平格以子女一也书适某书字某未字明似续也嫡出庶各如所生明所自出也

妇夫故而再醮者书改适二字不书歿葬与廟绝也妇为夫出者有子生年当录备子知也若无子则仍书配者以父母完娶之心不可歿也

立应继立爱继立择继於本生父母后註明生子几
某出继某人为子又於继父母后註明入继某人之儿子
为嗣辗转註载以子出继服制虽降而三年乳哺十月怀
胎生养之恩不忘所自也

家谱最重葬地但我族里居星散所区坟山或前後
左右累累然诚如贯珠既少碑记又无墓图可详其无后
者无论矣即有后者亦忘其某坟葬某处即知其处而坟
多相连又不能确指其塚诚莫可如何者也至有可以查
明而不查致使左右山向而亦略焉皆恨事今新谱虽绘
有图而谱中混载甚多自后坟墓囑令后人於葬时即详
誌其地名山向登人草本甚无忽焉

男女配合原有定藕尝见世有兄故而弟收兄嫂弟
故而兄收弟妇者名曰转房不知国法森严均暂立决纵
或徼倖苟免不独生前无以对世人即歿后何以见兄弟
於地下也凡我族人切切戒之

娶妻不娶同姓故买妾不知其姓则卜之同姓不婚

古人之垂訓昭昭也又況律有明條禁戒森嚴凡我族人慎勿蹈此惡習自干大典蓋男女同姓其生不蕃幸而子孫發達誥贈有所不便歿後主牌碑碣貽笑大方倘有故違者不準載入譜內

繁文宜省族譜之要惟在明世次記生歿葬而已前譜內多有讚語第依讚為例則凡為子孫者誰不欲稱揚其祖父遂至冗繁不倫兼恐事屬不實甚有身存無恙而自作讚語尤非蓋棺論定之議故於舊譜之已讚者因之而不立一新讚所以昭質實也至若忠孝節義關係綱常邑乘尚有所采家乘有不傳之以文乎故不可一概列也

經商他方遷徙異地者註明因往某處遷徙某處且本族有已子出養他姓及母嫁隨往者均許註明於譜則異曰若返庶不至遺漏宗枝

九族服制原有親疎輕重之分自高曾祖考以至已身子孫曾元服制不容稍越此古人所以居喪則必讀禮也然在讀書之子或曉之而非讀書者豈易曉之乎惟刊

图於谱俾人人始知服之重轻而不失其差等

修谱所以纪实徵信当以三十年为期我族自嘉庆己巳创修以来已六十余年矣今逢续谱凡生歿年月日时及葬所多有註未详者皆由历年太久无从稽考故也念及此殊堪痛恨自后议定三十年一续谱牒又必按房增置资生草生各自纪载详明庶異日续谱自无讹误混淆

谱牒之掌管阖族只有公谱三册每年祀祖之后首事挨次掌管必敬必慎值夏季岁暴一二次以防朽虫不可令乱人翻阅尤不可妄自添载倘有笔蹟不符一经查出系首事人之过

旧谱凡例

家谱乃寻流溯源纪实传信之书也吾族自汉唐迄今代有闻人荒远无稽不敢附会以遗遥遥华胄之讥

分註备书生配歿葬使子孙知有所考至於配必曰配某处女嫁必曰适某处某人者所以示祖宗之结婚但取其忠厚及门第相当不必问富贵豪势也为其后者尚亦视以为法焉

凡再提世系必又书父名以推其源并载几子以衍其派其有无子者命立应继之人必须办其昭穆相当亲支不就择及房族则如其所出而系之如恩养異姓之人招纳女壻之類则不系恐防他姓混我本宗也

吾族坟山进葬必须昭穆相当男妇分明孙子孙妇方可附於祖父祖妣之列而不可阻甚毋惑於风水不依理法蓋葬得宜则死者安而生者亦安矣

祭祖岁有常期物有常品必须衣冠诚敬至祭毕而

燕亦食 祖宗餘惠子姓兄弟務宜祀儀卒度甚不可沈
於酒以致号呶期舞玷辱先人遺笑閭里

添丁乃是美事此日瓜綿固蒙 祖庇他年桂馥尤
賴先靈原議生男及完娶者錢四十文以為異日續修之
用凡族間有生歿葬娶者是歲於祀祖日必親自將諱字
生歿葬娶交與首事悉書草譜庶幾異日續修無遺耳